

*Дэлгэрхангай сумын Иргэдийн Төлөөлөгчдийн
хурлын 2020 оны ... дугаар сарын .. – ны өдрийн
... дугаар тогтоолын ... дүгээр хавсралт*

ДУНДГОВЬ АЙМГИЙН ДЭЛГЭРХАНГАЙ СУМЫН ЗАСАГ ДАРГЫН 2020-2024 ОНЫ ҮЙЛ АЖИЛЛАГААНЫ ХӨТӨЛБӨР

Сумын Засаг даргын 2020-2024 оны үйл ажиллагааны хөтөлбөр нь Монгол улсын Засгийн газрын 2020-2024 оны үйл ажиллагааны хөтөлбөр, аймгийг 2021-2025 онд хөгжүүлэх таван жилийн үндсэн чиглэл, аймгийн Засаг даргын 2020-2024 оны үйл ажиллагааны хөтөлбөр, Дэлгэрхангай сумын 2011-2021 он хүртэлх хөгжлийн бодлого, стратеги төлөвлөгөө, сумын ИТХ-ын 2020 оны сонгуульд оролцсон улс төрийн намууд, төрийн болон төрийн бус байгууллагууд, хувийн хэвшил, иргэд олон нийтийн саналд тулгуурлан хүн, эдийн засаг, нийгмийн хөгжлийг хангах, байгаль орчны тэнцвэртэй байдал, орон нутгийг хөгжүүлэх, өмнөх бодлогын залгамж чанарыг хадгалахад онцгойлон анхаарч боловсруулагдсан болно.

Иргэдийн эрүүл, аюулгүй, амар тайван ажиллаж амьдрах, амьдралын чанарыг дээшлүүлэх, жижиг дунд үйлдвэрлэл, үйлчилгээг дэмжин хөгжүүлэх боломж нөхцлийг бий болгож, орон нутгийн нөөц боломжид тулгуурласан хөдөө аж ахуй, уул уурхай, аялал жуулчлалын хүрээг өргөтгөх, цахим засаглал, чадварлаг төрийн албыг бэхжүүлэх зэрэг тодорхой зорилтуудыг дэвшүүллээ.

НЭГ. ХҮНИЙ ХӨГЖИЛ

Зорилго: *Орон нутгийн онцлог, хүн амын амьдралын хэв маяг, хэрэгцээ шаардлага, эрүүл мэнд, боловсролын түвшинд нийцсэн бодлого, шийдвэрийг гарган хэрэгжүүлж, өрх, гэр бүл, иргэдийн эрүүл аюулгүй орчинд сурч хөгжих, ажиллаж амьдрах таатай орчинг бүрдүүлж, оролцоог нэмэгдүүлж, нийгмийн салбарын үйлчилгээнд тэгш хүртээмжтэй хамрагдах боломж нөхцлийг бий болгоно.*

1.1. ИРГЭД НЬ ЭРҮҮЛ ЧИЙРЭГ СУМ

Зорилт 1.1. Эрүүл дадал хэвшилтэй, идэвхтэй амьдралын хэв маягтай иргэн төлөвшүүлж, эрүүл мэндийн тусламж, үйлчилгээний чанар хүртээмжийг сайжруулна.

Арга хэмжээ:

- 1.1.1.** Алсын зайны цахим оношлогоо буюу мобайл технологийг нэвтрүүлж хоёр, гуравдугаар шатлалын эмнэлгээс цаг алдалгүй зөвлөгөө авах боломжийг бүрдүүлэх
- 1.1.2.** Иргэдэд эрүүл мэндийн боловсрол олгож, “Эрүүл мэндээ дээдлэгч иргэн”, “Эрүүл мэндийг дэмжигч байгууллага”-ын тоог нэмэгдүүлэх.
- 1.1.3.** Хуучин эмнэлгийн байрыг түшиглэн уламжлалт эмчилгээний тасаг болгон ажиллуулах
- 1.1.4.** Эм эргэлтийн санг төвлөрсөн дулааны шугам сүлжээнд холбох
- 1.1.5.** Хүүхдийн болон ахмадын сувилаалын танхимтай болох

1.1.6. Эрүүл мэндийн төвд түргэн тусламжийн автомашины парк шинэчлэлт хийж, яаралтай тусламжийн зөөврийн тоног, төхөөрөмжөөр тоноглох

Зорилт 1.2. Хүн амын эрүүл аж төрөх нөхцлийг бүрдүүлж, эмч мэргэжилтнүүдийн хариуцлагыг сайжруулж, ур чадварыг нь дээшлүүлэх

Арга хэмжээ:

1.2.1. Хүн амыг урьдчилан сэргийлэх үзлэгт, зорилтот бүлгийн иргэдийг зонхилон тохиолдох халдварт, халдварт бус өвчлөлийн эрт илрүүлэг үзлэгт жил бүр хамруулах.

1.2.2. Шаардлагатай боловсон хүчнийг урт болон богино хугацааны гэрээний дагуу авчран ажиллуулах

1.2.3. Эмч мэргэжилтнүүдийн мэргэжлийн ур чадварыг холбогдох байгууллагуудаар тогтоолгож ажиллуулах

1.2.4. “Эрүүл өсөлт” хөтөлбөрт хамрагдаж өвчлөлийг эрт илрүүлэн бага насанд нь урьдчилан сэргийлэх хөтөлбөр хэрэгжүүлэх

1.2.5. Эхийн эндэгдэлгүй ажиллаж, хүүхдийн тусламж үйлчилгээний чанарыг сайжруулан тав хүртэлх насны хүүхдийн эндэгдэлгүй ажиллана.

1.2.6. Эм, эмнэлгийн хэрэгслийн бүртгэл хяналтыг сайжруулж, эмийн чанар, аюулгүй байдлыг хангах, хангамж хүртээмжийг нэмэгдүүлэх

ХОЁР. СПОРТЫН ХӨГЖЛИЙГ ДЭМЖСЭН СУМ

Зорилго: *Нийтийн биеийн тамирыг эрүүл, идэвхтэй амьдралын хэв маяг болгож, биеийн тамираар хичээллэгсэд, баг тамирчдын өрсөлдөх чадвар амжилтыг нэмэгдүүлнэ.*

Зорилт 2.1. Хүн амын бие бялдрын хөгжил, чийрэгжилтийн түвшин тогтоох сорилд хамрагдагчдыг нэмэгдүүлнэ

Арга хэмжээ:

2.1.1. Нийтийн биеийн тамираар тогтмол хичээллэгчдийн тоо нэмэгдүүлнэ.

2.1.2. Иргэдийг эрүүл амьдралын идэвхтэй дасгал хөдөлгөөнөөр тогтмол хичээллүүлэх

2.1.3. "Спортын бага наадам"-ыг 2 жил тутамд зохион байгуулах

2.1.4. Спортын холбоод болон спорт хамтлагуудын үйл ажиллагааг өргөжүүлэх

ГУРАВ. ИРГЭД НЬ ЭРДЭМ БОЛОВСРОЛТОЙ СУМ

Зорилго: *Хүн бүрт чанартай боловсрол эзэмших тэгш боломжийг бүрдүүлж, хувь хүний хөгжил, төлөвшил, насан туршдаа суралцах тогтолцоог бэхжүүлнэ.*

Зорилт 3.1. ЕБС, СӨБ-ын хамран сургалтын хувийг нэмэгдүүлэх

Арга хэмжээ:

3.1.1. ЕБС, СӨБ-ын урлаг, биеийн тамирын хичээлд шаардлагатай тоног төхөөрөмжөөр хангах

3.1.2. Сургуульд байгалийн ухааны хичээлийн кабинет байгуулна.

Зорилт 3.2. Багш нарын мэргэжлийг дээшлүүлж, боловсролын салбарт ажиллагсдын нийгмийн хамгааллыг сайжруулах

Арга хэмжээ:

3.2.1. Залуу багш ажилчдын байрыг бүрэн засварлаж, багш ажилчдыг орон сууцны хөнгөлөлтэй зээлд хамруулах

3.2.2. Багш ажилчдын хүний нөөцийн хөтөлбөр боловсруулах

3.2.3. Оюутан суралцагчтай гэрээ хийх замаар нэн шаардлагатай мэргэжлийн багшийн хангалтыг нэмэгдүүлэх

3.2.4. Чадварлаг багш цогц арга хэмжээг хэрэгжүүлнэ.

Зорилт 3.3. Монгол зан заншил, үндэсний түүх соёлыг хүүхэд залуучуудад өвлүүлж хөгжүүлэх

3.3.1. Зуны хөдөлмөр зуслан ажиллуулах

3.3.2. Хот хөдөөгийн сургуулиудын хамтын ажиллагааг өргөжүүлж "Багш, сурагч солилцоо" хөтөлбөрийг үргэлжлүүлэх

3.3.3. Тэргүүний сурлагатай суралцагчдыг тэтгэлэгт хөтөлбөрт хамруулах

3.3.4. Сумын насан туршийн нэгжүүдээр дамжуулан 9-12-р ангийн суралцагчид болон иргэд, эцэг эхчүүдэд амьдрах ухаан, ажил мэргэжлийн чиг баримжаа олгох, насан туршдаа суралцахуйн чиглэлээр үе шаттай сургалтуудыг зохион байгуулах

ДӨРӨВ. ХӨДӨЛМӨР НИЙГМИЙН ХАМГААЛАЛ, ГЭР БҮЛ, ХҮҮХЭД, ЗАЛУУЧУУДЫН ХӨГЖЛИЙГ ДЭМЖСЭН СУМ

Зорилго 4: *Хүн амын бүлгүүдийн онцлог хэрэгцээнд нийцсэн хөтөлбөр арга хэмжээг хэрэгжүүлж, ажиллах хүчний оролцооны түвшинг нэмэгдүүлэх*

Зорилт 4.1. Хүн амын нийгмийн даатгалд хамрагдалтыг нэмэгдүүлнэ

Арга хэмжээ:

4.1.1. Нийгмийн даатгалын цахим үйлчилгээгээр үйлчлүүлэх иргэдийн хувийг нэмэгдүүлэх

Зорилт 4.2. Ажлын байрыг нэмэгдүүлнэ.

Арга хэмжээ:

4.2.1. Иргэдийг хөтөлбөр арга хэмжээнд хамруулж ажлын шинэ байр бий болгох

4.2.2. Бүртгэлтэй ажил хайж байгаа иргэдээс сул чөлөөтэй байнгын ажлын байранд 41 иргэнийг нэмж зуучлах

4.2.3. Хөдөлмөр эрхлэх төсөлд 9 иргэнийг нэмж хамруулан, байнгын ажлын байртай болгох

4.2.4. Барилга байгууламж барих, засварлах, газар шорооны ажил хийж гүйцэтгэх, хашаа хороо, худаг барих, ХААхуйн ажил эрхлэх нөхөрлөл, бүлгийг дэмжин ажиллах

Зорилт 4.3. Гэр бүл, хүүхэд, залуучуудын хөгжил, санал санаачлагыг дэмжих

Арга хэмжээ:

4.3.1. Гэр бүл, хүүхдийн хүчирхийлэлийн эсрэг төрийн болон, ТББ, ААН, иргэдийн оролцоог нэмэгдүүлэх

4.3.2. Хүүхэд залуучууд, иргэдийн чөлөөт цагаа өнгөрүүлэх цэцэрлэгт хүрээлэн ажиллуулах

ТАВ. ҮНДЭСНИЙ БАХАРХАЛ, ӨВ СОЁЛ

Зорилго 5: Соёл урлагийн үйл ажиллагааг өргөжүүлж, үйлчилгээний чанар хүртээмжийг нэмэгдүүлэхийн зэрэгцээ үндэсний өв уламжлалыг залгамжлан хөгжүүлнэ.

Зорилт 5.1. Иргэдийг соён гэгээрүүлэх, монгол өв соёлын бүтээлч үйлдвэрлэлийг хөгжүүлэх, иргэдийн оролцоог нэмэгдүүлнэ

Арга хэмжээ:

5.1.1. Соёл, урлагийн салбарын мэргэжилтэй ажилтны эзлэх хувийг 2024 онд 100 хувьд хүргэнэ.

5.1.2. Иргэдийг соён гэгээрүүлэх үйл ажиллагааг тогтмолжуулж өргөжүүлнэ.

5.1.3. Дуу хуурийн өлгий нутгийн алдартан, гавьяатнуудын хөдөлмөр бүтээлийг сурталчлан, алдаршуулах

5.1.4. Түүх соёлын үл хөдлөх дурсгалуудыг сумын гэрээт хамгаалагчтай болгох

ЗУРГАА. ИРГЭД НЬ АЖИЛ ОРЛОГОТОЙ АМЬЖИРГААТАЙ СУМ

Зорилго 6: Бизнес эрхлэгчид, хүн амын хөдөлмөр эрхлэлтийг дэмжиж, үйлдвэрлэл, худалдаа, үйлчилгээний зах зээлд өрсөлдөх чадварыг дээшлүүлж, шинээр ажлын байр бий болгож, өрхийн орлогыг нэмэгдүүлнэ.

Зорилт 6.1. Иргэдийн хэрэгцээ, шаардлага хангасан үйлчилгээг бий болгож, нийтийн ахуй үйлчилгээг хөгжүүлэх

Арга хэмжээ:

6.1.1. Халуун усны газарт их засвар хийх

6.1.2. Хими цэвэрлэгээний газар бий болгох

6.1.3. Гар утас, гэр ахуйн цахилгаан хэрэгслийн засварчинтай болох

6.1.4. Оёдлын цехийг өргөжүүлэх

Зорилт 6.2. Иргэдийн хэрэгцээ, шаардлага хангасан үйлчилгээг бий болгох

Арга хэмжээ:

6.2.1. Авто засвар угаалгын төв бий болгох

6.2.2. Хувцас угаалга, хивс цэвэрлэгээний газартай болох

6.2.3. Зочид буудал зоогийн газартай болох

Зорилт 6.3. Дэлгэрхангай түншлэл арга хэмжээг жил бүр зохион байгуулах

Арга хэмжээ:

6.3.1. Арьс шир элдэх, боловсуулах цех байгуулах

6.3.2. Сүү цагаан идээний өрхийн үйлдвэрлэлийг дэмжих

6.3.3. Өлөнгийн анхан шатны боловсруулалт хийх цех байгуулах

6.3.4. Ноос ноосон бүтээгдэхүүн, бэлэг дурсгал, эсгий үйлдвэрлэлийн бүтээгдэхүүн үйлдвэрлэлийг дэмжих

ДОЛОО. ХҮНС ХӨДӨӨ АЖ АХУЙ, ГАЗАР ТАРИАЛАН

Зорилт 7.1. Дэвшилтэт техник, технологийг нэвтрүүлэх замаар хүнсний ногооны тариалалтын тайлбай 2020 онд 1,3 байсныг 2024 онд 1,8 га-д хүргэж хураан авах ургацыг хэмжээг 15 тоннд хүргэнэ.

Арга хэмжээ:

- 7.1.1. Сумын төвийн өрх бүрийн хүнсний ногоо тариалах ажлыг дэмжих
- 7.1.2. Төмс хүнсний ногоо тариалах сургалт орон нутагт явуулах
- 7.1.3. Гадаад улс, бусад аймаг сумдын сайн туршлагатай танилцах
- 7.1.4. Газар тариалангийн багаж тоног төхөөрөмжөөр хангах
- 7.1.5. Хүлэмжийн аж ахуйг дэмжин хөгжүүлэх

Зорилт 7.2. Туслах аж ахуйг хөгжүүлэх иргэдийн санал санаачлагыг дэмжинэ

Арга хэмжээ:

- 7.2.1. Гахай, тахианы аж ахуйг дэмжих
- 7.2.2. Туслах аж ахуй эрхлэх сургалтыг зохион байгуулах

Зорилт 7.3. Ашиг шимтэй мал аж ахуйг хөгжүүлэх, малын удмын санг сайжруулах, мал эмнэлгийн үйлчилгээ, тэжээлийн нөөцийг нэмэгдүүлэх

Арга хэмжээ:

- 7.3.1. Тэмээ хөтөлбөрийг хэрэгжүүлэн бойжуулсан ботго тутамд урамшуулал олгох системийг орон нутгийн хэмжээнд зохион байгуулах
- 7.3.2. Тэмээчдийн баяр арга хэмжээг 2 жилд тутамд уламжлал болгон зохион байгуулна.
- 7.3.3. Малын ашиг шимийг нэмэгдүүлэх, сайн үүлдрийн хээлтүүлэгч малаар сайжруулах
- 7.3.4. Стандартын шаардлага хангасан цөм сүргийн хээлтэгч хээлтүүлэгчийг ээмэгжүүлэн бүртгэж бүртгэл мэдээллийн нэгдсэн санд хамруулах
- 7.3.5. Мал угаалгын ванн, мал эмнэлгийн ажил үйлчилгээ үзүүлэх хашаа барих
- 7.3.6. Малыг эрүүлжүүлэх вакцинжуулалт тарилга туулгалтанд хамруулах
- 7.3.7. Бэлчээр хашиж, тэжээлийн ургамал тариалах иргэдийг дэмжих
- 7.3.8. Малын индексжүүлсэн даатгалд 10% хамруулах
- 7.3.9. Өвс тэжээлийн агуулах засварлаж, өвс тэжээлийн аюулгүйн нөөц бүрдүүлэх

НАЙМ. БАЙГАЛЬ ОРЧНЫГ ХАМГААЛАХ, АЯЛАЛ ЖУУЧЛАЛ, ГАДААД, ДОТООД ХАРИЛЦААГ ХӨГЖҮҮЛСЭН СУМ

Зорилго 8: *Байгалийн өгөөжийг үнэлэн хамгаалж, иргэдийн ая тухтай амьдрах орчин нөхцлийг сайжруулна.*

Зорилт 8.1. Байгалийн баялгийг зүй зохистой ашиглах, нөхөн сэргээх, хамгаалах, орчны бохирдлыг бууруулж, эрүүл аюулгүй орчныг бүрдүүлнэ.

Арга хэмжээ:

- 8.1.1. Байгаль орчныг хамгаалах ажил үүрэгт иргэдийн оролцоог нэмэгдүүлэх
- 8.1.2. Элсний нүүдэл бууруулах зорилгоор Ногоон байгууламжийн тоог нэмэгдүүлэх
- 8.1.3. Орон нутгийн хамгаалалтад, болон тусгай хэрэгцээнд авах газрын хэмжээг нэмэгдүүлэх шийдвэр гаргуулна
- 8.1.4. Уул уурхайн болон бусад үйл ажиллагааны улмаас эвдэрсэн газрын техникийн болон биологийн нөхөн сэргээлтийг тухайн жилийн төлөвлөлтийн дагуу нийт 1.8 га-д хийснийг нийт 10 га-д хүргэнэ

8.1.5. Сумын төвд хог ангилан ялгах, дахин боловсруулах шинэлэг технологи нэвтрүүлэх

8.1.6. Хогийн цэгийг хашаажуулах

8.1.7. Ховор ан амьтан хамгаалах био техникийн арга хэмжээ авах ажлыг жил бүр тооцон гаргаж ажиллана.

Зорилт 8.2. Байгаль, түүх, соёлын өвийн онцлог бүхий, байгаль орчинд ээлтэй, нутгийн иргэдэд түшиглэсэн аялал жуулчлалыг хөгжүүлж, гадаад, дотоод хамтын ажиллагааг хөгжүүлэх

Арга хэмжээ:

8.2.1. Түүх соёл, байгалын үзэсгэлэнт газруудаа олон нийтэд сурталчлан аялалын маршрут бий болгох

8.2.2. БНХАУ-ын ӨМӨЗО-ны нэг аймагтай шеф болох

8.2.3. Хангайн болон зүүн бүсийн 2 сумтай шеф болох

ЕС. ИРГЭД НЬ ЭРХ ЧӨЛӨӨТЭЙ, ЗАСАГЛАЛ НЬ АРДЧИЛСАН СУМ

Зорилго 9. *Төрийн үйлчилгээг иргэдэд шуурхай, хариуцлагатай, хүртээмжтэй хүргэх нөхцөлийг бүрдүүлж, цахим засаглалыг бодитойгоор хэрэгжүүлнэ.*

Зорилт 9.1. Төрийн байгууллагын үйл ажиллагааны мэдээллийн ил тод байдлыг нэмэгдүүлж, иргэд, олон нийтийн оролцоог хангах

Арга хэмжээ:

9.1.1. Төрийн албан хаагчийг холбогдох хууль, журмын дагуу сонгон шалгаруулж, төрийн албаны хууль бус томилгоогүй ажиллана.

9.1.2. Төрийн албан хаагчдыг гадаад, дотоодод туршлага судлуулж, мэргэшүүлэх сургалтанд хамрагдах боломжийг нэмэгдүүлнэ

9.1.3. Төрийн албан хаагчийн үйл ажиллагааг үнэлэхдээ ажлын гүйцэтгэл, үйлчлүүлэгчийн үнэлгээ, ёс зүй, сахилга хариуцлагыг шалгуур болгож, ёс зүйн зөрчил гаргасан төрийн алба хаагчид хүлээлгэх хариуцлагыг чангатгана.

9.1.4. Төсвийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагааг нээлттэй ил тод шилэн болгоно.

9.1.5. Иргэддээ ил тод, нээлттэй, хүнд сурталгүй шуурхай, чанартай, иргэндээ чиглэсэн үйлчилгээг нэвтрүүлж, нээлттэй төрийн үйлчилгээг бий болгох замаар "Иргэдтэй уулзах уулзалт, өдөрлөг"-ийг зохион байгуулан иргэдээ сонсоно.

9.1.6. Иргэний танхимын үйл ажиллагааг тогтмолжуулж, төрийн үйлчилгээний нэгдсэн төвийн үйлчилгээг нэг дороос хөнгөн шуурхай авах нөхцөл боломжийг бүрдүүлнэ.

9.1.7. Цахим хурал, сургалт хийх орчин нөхцлийг сайжруулж, төрийн албаны шуурхай байдлыг хангана.

9.1.8. Төрийн байгууллагуудын үйл ажиллагааг хэвлэл мэдээллийн хэрэгсэл болон цахим хэлбэрээр иргэдэд нээлттэй мэдээлэх сурталчлах, тайлагнадаг болгоно.

9.1.9. Орон нутгийн мэдээллийн мини сонинтой болгох

9.1.10. Бүх шатанд шийдвэр боловсруулах, батлах, хэрэгжүүлэхдээ иргэд, иргэний нийгмийн байгууллага, хувийн хэвшлийн саналыг сонсох, тусгах, зөвлөлдөх, хяналт тавих нөхцлийг бүрдүүлж, оролцоог нэмэгдүүлнэ.

АРАВ. ОРЧИН НЬ АМАР ТАЙВАН, АЮУЛГҮЙ СУМ

Зорилго 10. *Иргэдийн аюулгүй, амар тайван байдлыг хангана.*

Зорилт 10.1. Иргэдийн ажиллаж амьдрах, таатай орчинг бүрдүүлэх

Арга хэмжээ:

10.1.1. Ундны ус цэвэршүүлэх тоног төхөөрөмжийг ухаалаг худгуудад суурилуулах

10.1.2. Сумын төвд хатуу хучилттай болон явган хүний зам тавих

10.1.3. Гудамж, гэр хорооллын гэрэлтүүлгийг бүрэн хийх

10.1.4. Тэргүүний тохижилттой айл өрх, гудамж, ААНэгжийг шалгаруулах журам боловсруулж хэрэгжүүлэх

Зорилт 10.2. Амар тайван аюулгүй сум

Арга хэмжээ:

10.1.1. Сумын төвийн камерын хяналтын тогтмолжуулж, ААНБ-уудыг камержуулах үйл ажиллагааг үе шаттайгаар хэрэгжүүлнэ

10.1.2. Цагдаагийн албан хаагчдыг унаажуулах, албан хэрэгцээнд шаардлагатай техник хэрэгсэл, тоног төхөөрөмжөөр хангана.

10.1.3. Гамшгаас хамгаалах, болзошгүй эрсдлээс урьдчилан сэргийлэх бэлэн байдлыг хангаж, гал унтраах авто машин тоног төхөөрөмжөөр хангана.

АРВАН НЭГ. БҮТЭЭН БАЙГУУЛАЛТ, ХӨРӨНГӨ ОРУУЛАЛТТАЙ СУМ

Зорилго 11. *Сумандаа сайхан амьдрах нөхцлийг бүрдүүлнэ.*

Зорилт 11.1. Иргэдийн амьдралын чанарыг дээшлүүлнэ.

Арга хэмжээ:

11.1.1. Сумын төвийн ерөнхий төлөвлөгөөтэй болох

11.1.2. Төвлөрсөн халаалтанд айл өрх ААНэгжийг холбох

11.1.3. Соёлын төвийн барилгыг шинээр барих

11.1.4. ЗДТГ-ын барилгыг шинээр барих

11.1.5. Сумын төвийн ашиглалтгүй байгаа барилгуудыг засварлаж ашиглах

11.1.6. Иргэдийн оролцоотой “Шинэ сум” хөтөлбөр хэрэгжүүлэх

11.1.7. “Орон сууцжуулах” хөтөлбөрийг хэрэгжүүлэх ба түрээс, зээлийн нөхцлөөр сумын төвд малчид, төрийн албан хаагчдын 12 айлын орон сууц барих

11.1.8. Ашиглалтын шаардлага хангахгүй орон сууц, байшин барилгуудыг иргэд, ААНэгжтэй тохиролцсоны үндсэн дээр буулгаж дахин төлөвлөх ажлын эхлэлийг тавих

11.1.9. Дэлгэрхангай сумын Таргатын гөлтгөнийн уурхайг түшиглэн гипсэн хавтангийн үйлдвэр байгуулна

11.1.10. Орон нутаг судлах танхимтай болох /ногоон дээвэрт/

11.1.11. ЗДТГ-ын автомашины парк шинэчлэл хийх

11.1.12. Дотуур байрны барилга шинээр барих